

榮縣志卷五

輿地志

山川

周禮職方氏九州皆詳其山鎮澤藪川浸榮小邑無名山大川然榮德榮梨榮隱號稱三榮又旭川大牢擁斯茫諸水交流境內未始非靈淑之氣所鍾也志山川鳳鳴山負城北郭爲縣主山相傳有鳳鳴於上故名清富山在城西爲五山之首山背壁立九摺宋人大書九摺屏刻於巖畔近水有石插溪湍處刻曰赤沙步以左右沙色皆黃而此步獨赤也城因其險而圍之山麓清不富爲富不清二者兼之難乎其名范鎮詩云坐酬風景登清富指此

蓮宇山循清富而東居五山中先師廟儒學尊經閣俱在焉宋人刻九域圖於石碑陰刻蓮宇二字今樹大成殿後雖字半磨滅猶足稱舊藩冠冕

天慶山聯鳳鳴而左自清富至此爲第四山在縣治後上爲天慶觀下有神龜崖蓮花池諸勝池廢爲塘歸暇取租乾隆十九年知縣黃大本撥充鳳鳴書院公費桂林山城東跨其上爲縣第五山合鳳鳴清富蓮宇天

慶四山而名曰五陵卽舊縣學址有明提學王文所書
碑五山綿互雉堞連飛延袤三里望如重城明按察司
僉事琢郡李敷登而嘆曰古爲國都有以也因題於碑
曰小錦城碑今沒

大佛山縣東南一里聯真如崖宋元豐八年僧淳德募
修因山爲大佛像成於元祐七年舊志載當時架殿十
層高四十七丈闊十五丈今已湮沒惟佛像巍然身高
十五丈有奇露處久矣 國朝嘉慶中知縣許源命

僧會智珏等募修捲石爲頂二十一年知縣宮鑑桂復
修禪房方丈及前後山門竝刻達摩一尊道光二十一

榮

縣志

卷五

輿地志山川

二

年署知縣克星額捐廉績修邑人復捐貲以助雖未復
舊頗足壯觀

中和山縣南一里屈曲三洞深廣各可容百人宋人刻
中和二字於山畔

龍頭山縣南里許舊名虎頭明知縣王夢魁易今名移
元帝祠鎮之有塔高十尋名鎮南塔旁爲三教堂下百
步爲榮門山知縣張九思改三教堂爲興國寺廢臨溪
爲擦耳崖 國朝乾隆中知縣徐德龍修橋削石成路
土人建觀音閣於崖畔閣左舊有摩崖石刻

鳳棲山縣西二里一名望景山舊有萬景樓後改爲玉

皇觀廢臨溪存古佛寺一座右有鳳棲古洞明熊大輅刻洞口桃花四字 國朝嘉慶中知縣許源重建樓凡三層中層顏以望景岑樓

聳雲山縣北二里宋太常博士王夢易夫人向氏鑿洞於此山下誓教二子庠序皆成名後人題其洞曰講教有玉泉極清冽

榮梨山縣東十五里一名舞龍山山巔有慈雲寺寺中左右各一池舊志載龍池旱不涸雨不溢池口常有雲氣右有巨石方廣丈餘其下爲龍洞邑人楊仲淳題曰噓陰禱雨輒應宋熙寧八年封此山神爲靈應侯洞門

榮

縣志

卷五

輿地志 山川

三

有魯清碑沒

國朝乾隆中知縣黃大本覓刻之嘉

慶十三年知縣許源詣寺禱雨見龍洞淤塞命掘其口得魯清碑字跡模糊洞口僅容一人伏身以進黑暗如

漆燭之四面怪石若虬龍深不可測真神棲所也爰豎古碑於洞旁洞口復週圍砌石牆高一丈二尺以固之

附宋熙寧八年榮州榮梨山神封爵勅曰朕勅百神之祀非特以爲報亦所以致吾誠也守臣稱爾之靈能爲民除災而降祉是用錫之侯爵昭爾有功神其鑒哉永庇於茲土宜特封靈應侯牒至准熙寧十年五龍池賜額勅曰榮州榮梨山五龍池祠堂州狀稱在榮德縣界山高五里有池旱不涸雨不溢祈雨有應圖經亦載牒奉勅宣特賜會應廟爲額牒至准

榮德山縣東北三十五里榮州取名以此一名希夷山

有希夷觀又名老君山有老君祠山在山谷之中獨拔
五百餘尺與滎梨對峙世傳爲宋陳搏初修真處有石
室二十四所今廢龍池千葉蓮花唐刺史薛高邱摩崖
碑宋判紹熙府曹公希夷山砦保守碑皆在山畔遊人
罕有到者山之西南壁有南無阿彌陀佛六字似黃泥
跡欸題明道人書遠望如金字約五六尺大

滎陵山縣南二十里上有大才寺太保祠累著靈異
金城山縣北二十里周圍三峯如垣有彌陀寺多產竹
今寺廢竹亦不復生

奉眞山縣南三十里山有巨池周四里擁斯茫水經其
下舊有唐奉眞觀今清涼寺在焉宋李一飛有詩記

滎隱山縣西北三十里一名筠山其石方聳如印又名
石印山又名老筠臺古滎隱先生修道於此石室猶存
不著時代

長山縣西四十里山有水曰長山河下流入擁斯茫水
野客山縣東南四十里公井舊縣南六十里延袤公井
犍爲開東西長三百餘里南北七十里縣界惟此山最
大

兩母山縣北五十里蓋鐵山隨地而異名者也兩峯並
聳皆有石室下垂望之如乳因名聖燈夜出神草春長

滎

縣志

卷五

輿地志 山川

四

實資仁榮威四縣之望

鐵山縣西八十里山從仁壽來橫互井犍榮威閒數百里產鐵諸葛武侯取鑄兵器晉後獠人據之謂之鐵山獠周陸騰平焉世頌其德寰宇記後周宇文度封鐵山侯卽此地

榮門山縣南一里山下有元壇觀廢

鳳凰山縣東三里

土門山縣東三里舊置關廂俗呼土門子今廢

馬鞍山縣東南四里

楸木山縣南十里

榮

縣志

卷五

輿地志 山川

五

六鼇山縣南二十里

玉龍山縣南

金臺山縣南

龍標山縣東十里

虎榜山縣東北二十里

雲峯山縣東十五里一名雲鳳山

板登山縣東十五里

蔣家山縣東二十里

石鳳山縣東三十里上有寺

東華山縣南三十里

高松山縣東北二十里

梧桐山縣東四十里山勢峭拔俗名梧桐溝

恩沐山縣東四十里

跨鼇山縣南四里古蓮經社

龜泉山縣南三十里有泉

蓮花山縣南六十里

南禪山縣南七十里上有南禪寺

普會山縣南七十里

天公山縣南七十里

五保山縣南八十里上有五保鎮保一作寶

雲峯山縣南八十里有雲峯寺

鼎新山縣南四十里有鼎新寺

照石山縣南四十里有照石寺

寨子山縣南四十里

天池山縣東南九十里上有天生池天池寺

亂石山縣南五十里

沙溪山縣南八十里下有沙河

八竹山縣南六十里

白石山縣西十里一名林山坡勢陡峻石多土淺其下

為白石溝

慈母山縣西二十里

石林山縣西二十里

畢家山縣西二十里

宋家山縣西二十里

獨石山縣西二十里

獅子山縣西三十里

真武山縣西三十里上有真武觀

書臺山縣西四十里

洞屏山縣西四十里

九盤山縣西四十里

榮

縣志

卷五

輿地志山川

七

車腦山縣西四十里

圓通山縣西四十里有圓通寺

亮洞山縣西四十里有寺

石笋山縣西七十里路通犍邑巨石排連有石笋高數

尋徑亦幽折

七盤山縣西五十里

白崖山縣西北九十里元和志謂在資官舊縣西北十里

華陽山縣西北五十里

玉屏山縣西五十里

老木山縣西六十里

龍阜山縣西六十里

踏紫山縣西七十里

喻家山縣西北

火穴山縣西北

赤珠山縣北一里

龜山縣北二里

望兒山縣北三里與講教洞對相傳宋王庠王序幼時
讀書洞中母向夫人嘗登此山望之故名山巔有磐石
七屹然竝立形家謂係城內蓮宇山來脉

榮

縣志

卷五

輿地志山川

八

粉壁山縣北十里

不大山縣北十里

豸腦山縣北五里

茶園山縣北十里

石門山縣北五里

佛頂山縣北二十里

東川山縣北三十里

仙人山縣北七十里上有寺

真如崖縣南一里左聯大佛山有龍洞深廣可容百人
下為龍洞寺真如觀一勝亭崖壁鑿龍洞一 大字筆極

古峭

浮圖崖縣南里許唐宋人刻千佛於崖畔因名千佛崖
又名金碧崖後有朝陽洞前有法華菴廣忠寺俱廢崖
下有古銅佛一風雨剝蝕 國朝乾隆中生員劉廣募
金修建功幾廢於垂成知縣黃大本捐貲檄萬壽寺住
持僧惟學竟其事即名為千佛寺

晴雨崖縣南有泉四時涓涓如雨下為漢靖侯龐統祠
川主惠民祠明知縣王夢魁刻石

舊志魁作易查職官有夢魁無夢易改之

棗崖縣南聯晴雨崖宋時榮昌寇警守臣賈昌朝禱於
資陽銀山鎮祠凱旋折祠前棗枝過謁龐公祠插崖下

榮

縣志

卷五

輿地志山川

九

枝復生為立武安公廟紀其事於崖畔

賈昌朝係呂昌朝誤

雷崖縣東十里

鹿角崖縣東二十里有石洞

石鼓崖縣南一里

青崖縣南二十五里

梯子崖縣南二十五里

頂鳳山縣南四十里俗名破塘

紅石崖縣南四十里

落雁崖縣南五十里

龍崖縣西七里

花崖縣西七里

黃蜂崖縣西四十里有寺

竹崖縣西六十里

靈崖縣西二十里有靈濟寺

觀音崖縣西北十里

赤珠崖縣北七里

龍灘崖縣北二十里

鳳凰嶺縣北二十里

鵝項嶺縣北二十里

硫磺嶺縣北二十里

榮

縣志

卷五

輿地志山川

騾子嶺縣東六里

醉仙坡縣東二里

老鷹坡縣東二里

舊志載二
十五里

天車坡縣北十五里

天牙石城隍廟後殿石石質堅白狀亦古峭

老虎石縣東十里

跳石縣西五十里

鍋椿石縣北三十里石三各高十丈餘峙如鼎足相傳

仙人支鍋於此有寺

關門石縣北十里兩傍懸崖峭壁古木參天樵採之所

不到中則巨石橫踞僅通流水

清風坪縣北清富樓前

銀盞坪縣南二十五里

龍岡洞雲岡青岡棲霞岡俱縣西

九嶺岡縣東四十里上映貓兒山磨子山形俱端方

龍洞縣南真如崖下俗名羅漢洞

朝陽洞縣南浮圖崖後廣容千人或云卽古青陽洞

按舊志明邑舉人龔匯謂少昊金天氏國於榮今縣
青陽洞是其遺跡考氏族譜元囂國若水下流泝水
也本紀皇帝之世降居江水地理志江水今之蜀郡

榮

縣志

卷五

輿地志 山川

十一

湔氏道又云元囂有聖德邑於窮桑以登帝位一統
志窮桑今之兗州府魯城北二說均未可信

長安洞縣西南三里有寺廢常住田後爲土人報墾洞
中佛像猶存

蝸角洞縣西十里

地仙洞縣北二里

飛霞洞縣東舊名老虎洞

乾龍洞縣北三里深不測又一處縣西北六十里

魏家洞縣東南五十里洞口有廟仰望流泉滴如簷漚

榮川一名榮溪發源於榮隱山自始建廢縣南流入縣

界至城北與雙溪合流入富順雙溪者一從西來其水濁一從東來其水清也過城南合東川溪梧桐溝龍溪諸水又東南會威遠之中溪河獻寶溪諸水至富順入資江寰宇記曰旭川縣有洛陽水從始建縣南入宋時陵州治仁壽縣始建其屬縣也今井研縣地洛陽水自井研來省志言自仁壽來因陵州治仁壽耳

壽川縣南曲如壽字

東川發源於榮德山在縣北流自東

五龍溪縣東十里

榮

縣志

卷五

輿地志山川

十三

桃梅溪縣東十五里

洛陽溪縣北八里

蔣家溪縣東二十五里

渾水溪縣南二十五里

苦竹溪縣南二十五里

照石溪縣南三十里

桂村溪縣南四十里卽偏土橋

蘆葉溪縣南四十里

大牢溪一名賴溪源出鐵山南流經大牢舊縣之北合

桂村溪蘆葉溪諸水至宜賓縣界入大江

梅子溪縣西十里

紫金溪縣西四十里

玉字溪縣西五十里

谷牙溪縣西六十里

虎頭溪縣西北六十里

龍溪縣北五里

雙溪縣北三里

梅香溪縣北三十里

龍洞河縣北二十里

梧桐溝縣東四十里

蒼葉溝縣東二十里

榮

縣志

卷五

輿地志山川

十三

白楊溝縣北三十里

野鴨溝縣南八十里接宜賓縣界

崖泉

雷鳴泉縣西巨石兀立明提學王文書刻石

古泉縣東明知縣李銳刻石

一碗水縣西十五里石泉雖旱不涸

倒流水縣北三里

倒潰塘縣南三十里

仰天渦縣北四里

鐵牛沱縣西四十里

苦葛沱縣南六十里

長潭縣西四十五里

龍馬漕縣南二十五里汪家灘

鳳凰洲縣南二十五里汪家灘科第視消長最驗

觀音灘南平灘沙灘高灘仙灘皆出榮川

柏林灘七星灘魚椿灘漁子灘龍灘蘋葉灘皆出長山

河

擁斯茫水一名長山河謂合長山水故名又名四望溪

蜀水經謂其經四望山故也又名清流河在縣西四十

里發源仁壽縣南界鐵山經井研縣故寰宇記曰擁斯

榮

縣志

卷五

輿地志 山川

西

茫水在陵州南一百五十里從井研縣南界瀨下六池

東流入始建縣界也自井研縣南流入縣西一百一十

里合虎頭溪水

縣西北六十里

故寰宇記曰擁斯茫水在資官

縣西二十里又曰從始建縣南流至資官縣也

資官今縣西北

境又自縣西南流合梅子溪

縣西四十里

紫金溪

縣西四十里玉

字溪

縣西五十里

谷牙溪

縣西六十里

諸水至犍為縣界三江鎮

又南經四望山至大河壩入大江故省志曰擁斯茫水

南入犍為縣界寰宇記曰西南流入平羗縣界

今地屬犍為縣

犍為縣志曰發源井研至應靈舊縣

今地屬犍為縣

合流入岷

江方輿考略曰出三江鎮下與岷江合也舊志內水考

榮後枕鐵山其山連岡複嶺隨地異名綿互并研仁壽
威遠諸縣界山陽山陰之水分內外條其爲內條者有
兩源一發於梧桐溝隣威遠溝有龔氏宗祠故亦曰龔
家溝紆行驚心峽擦耳巖窈窕豁衍古稱遯水凡二十
五里至亮窗山天生水自天生橋來入焉亮窗山者山
有碕通明如窗天生橋則石若垂虹橫跨於兩山閒也
十四里至浣紗溪傳爲竹王多同母浣紗處事與播州
相附會舞龍溪自舞龍山縈大墨池小墨池來入焉舞
龍山者古今禱雨之地卽榮梨山也一里至飛仙橋抱
東郊過嘯臺欵龍洞豁開眞如巖畔吞吐江烟巨製鴻
篇畱姓字於蘿薜者代不乏人李仁甫其最著也下龍
灘抵南關鎮南塔突起前峰絕頂凡二里一發於東川
溝隣仁壽曰榮川以近榮德山名也胡仲常故居在焉
蟠遶大石門小石門至桑梓園凡三十八里園蓋趙宋
藩邸所置頽垣敗礫想見繁臺鼓吹洛陽溪自天車坡
左右集藍橋出關門石來入焉洛陽云者居人慕洛陽
風物之美因以顏其溪也五里至聳雲山山有講教洞
宋王庠王序讀書處所謂橫溪閣也陸放翁有晚登橫
溪閣詩又有橫溪閣小晏沁園春詞榮溪自高石梯下
擣烟坡向荔支壩來入焉是溪亦曰榮者源近榮隱山

榮

縣志

卷五

輿地志山川

五

後也二里至北關奔九摺屏越赤沙步繞涪翁榜題地
仙洞迤入鳳棲山谷曲轉古佛寺直達西關斜走鴛鴦
石而注於南匯遯水於浮圖崖下凡五里曰旭川以旭
井得名也旭井所在人無知者或曰卽榮王府前八方
琉璃井也或又曰鳳鳴山巔龍井形最廣位至高日出
光先及尤近是也一里至榮門昔人題爲第一關雁齒
虹橋畢萃五陵邱壑江心峙以羅星臺閣跡仿灑灑離
堆也十五里至釣魚臺臺本榮隱先生垂綸處蘆洲柳
岸恍遇青笠綠蓑一里納花香溝抵石梁山石梁者山
脊皆盤石也二里至龍馬漕五里至鳳凰洲洲之消長

榮

縣志

卷五

輿地志 山川

六

可以驗科第八里至青巖山山有寺邑人張容嘗課讀
於斯生徒登科甲者不一人張字心如號青崖以青崖
山迴旭水之瀾也十五里至石門關關險湍急俗呼高
灘十五里納渾水溪過滇池卽今之紫池也池首尾介
兩川而實不與川通旭川漲水則倒流故曰滇周六里
寰宇記載周三百里誤也八里至鼎新山照石溪入焉
所入之處曰小龍灘二十里至龍潭潭有鼈大如牛不
常出出則不早卽澇乾隆己亥以後潭爲沙塞鼈遂不
知所之岸有大村曰龍灘場灘蓋潭之訛也十五里至
沈家壩倒流溪道士溪細石溪夾岸入焉二十五里至

漁子沱濟洞溪入焉是處前後水闊淵深蟹舍魚莊相望岸南卽富順縣界十六里至艾葉灘水流石上形如艾葉八里至貢井大灘富邑小溪入焉是灘倍於諸灘故曰大貢井者周之公井鎮唐之公井縣也有水井亦有火水井產鹽水火井產火卽以煮鹽十里匯威遠縣中溪河流經富順之自流井鄧井關入釜川

內水考邑人鄒學山著

